

Fakakatoatoaaga:

**Fakatutalaaga mae levekiaga he kupega hila:
fakamua kia ai e tau Talahauaga Motu mo e tau Atu
Motu mo e tau mata fakatufono foou mae levekiaga
he kupega hila ma lautolu ne kua moua e tau laisini
ke lagomatai ke he tau fakaakoaga foou**

Ko e puhalo he levekiaga he kupega hila foou

Mai he aho 1 ia Fepuali 2023 ka manako a ko e ke taute e taha laisini foou mo fakagahua aki e taha aoga fakamahani kua lata ia koe ke moua e fakamooliaga mai he Ikipule he Faahi Gahua Fakaako Tama mae levekiaga ke he kupega he hila to maeke ia koe ke tuku atu e tohi ole haau ke moua e laisini.

Ko e tau vala tala hagaao ia ke he fakamooli levekiaga he kupega hila ne fakatokatoka ai he faahi 17 mo e 18 he Education and Training Act 2020 (the Act).

To haha i ai ua e vala mahuiga ke he levekiaga he kupega hila ne kua lata e tagata ne ole ke fai fakakiteaga ki ai:

1. Kua lata lahi ke moua e taha faga gahua foou pihia mo e matakavi ne kua amanaki ia koe ke fakagahuahua
2. Kua lata ia koe ke tutonuhia, lalafi ki ai e malolo mo e hako, mo e fahia ke taute e gahua mo e fai tupe.

Ko e tau tohi ole ke fakagahua e levekiaga he kupega hila foou ke lata mae tau aoga fakamahani

Ko e kumi a mautolu he haau a tau manatu fakakite ke lata ia mae ua e faahi mahuiga ke fakaotioti e matafakatufono ke lata mae levekiaga he kupega hila:

1. Ko e Tau Talahauaga Muaatu mae Motu mo e Tau Atu Motu
2. Matafakatufono ke lata mae tau hatakiaga foou

Tohi Ole	Fakamaamaaga
1. Tau Talahauaga Muaatu mae Motu mo e Tau Atu Motu	<p>Ke he tau fakatutalaaga ne fakahoko he tau kua mole ne omoi ki ai e tamataaga he tau talahauaga motu mo e tau atu motu kua folafola pe he nei:</p> <ol style="list-style-type: none">1. Tau talahauaga muaatu mae tau aoga fakamahani ke he tau fakaakoaga ne kua moua e tau laisini ke fakagahuahua2. Tau fakamauaga mo e tau fakailoaaga ne kua moua ne fakakite tuai e tupu, tau manako lahi mo e kua lata ke fai faahi gahua ke he tau aoga fakamahani nei ne kua moua e tau laisini3. Ha fakailoaga foki ne maeke ke lagomatai kia lautolu ne kua moua e tau tohi ole mo e ligaliga ke fakamooli ke he levekiaga he kupega hila <p>Kua fakataitai a mautolu ke he tau talahauaga muaatu na ke lata mae tau aoga fakamahani:</p> <ul style="list-style-type: none">• Ko e kautaha gahua ne lagomatai atu ke he tau Mauli ne vagahau ua mo e tau matutakiaga ki ai (mo e nakai uta kehe mai he tau poakiaga ke moua e fakamooliaga mai he tau takitaki kupega hila)• Tau kau fakagahuahua he Hapū/iwi

- Ko e kautaha gahua ne haha i ai e talahauaga mahuiga ko e Mauli mo e tau aga fakamotu
- Kautaha gahua mae vagahau ua he tau tagata Pasifika mo e tau matutakiaga ki ai
- Tau kau fakagahuahua he tau vagahau he tau leo Pasifikia mo e/po ke tau aga fakamotu
- Tau kau fakagahuahua ke nonofo uho ke he tau vagahau kehekehe (kae nakai ko lautolu ne vagahu Peritania/Mauli/Pasifika)
- Tau kau gahua ne kua katoatoa e tau koloa ke lata mae tau lagomatai ke he tau fakaakoaga
- Tau kau gahua ne kua katoatoa e tau koloa ke lata mae tau tagata o mai he falu a motu pihia mo lautolu e tau tagata fakamua ne paea mai he falu motu
- Tau kau gahua ne kua palana ke fakagahuahua ke he taha fonua ne kua ta foou e taha fale aoga
- Tau kau gahua ne kua moua e tau tupe fakagahuahua mai he Targeted Assistance for Participation (TAP)

Tau kau gahua ne tohi ole mai he tau matakavi ne to lalo e tau lagomatai ne moua (po kua to lalo e tau lagomatai moua ha kua tupu lahi e puke tagata) to maeke agaia ni ke fakamooli pete e nakai hokotia e tau talahauaga muaatu.

Fai fakailoaaga foki hagao ia ke he tauteaga nei he **poko he tau takitaki kupega hila**

[<https://www.education.govt.nz/early-childhood/running-a-service/network-management-for-licensed-early-childhood-services>](https://www.education.govt.nz/early-childhood/running-a-service/network-management-for-licensed-early-childhood-services)

2. **Matafakatuf ono ke lata mae tau hatakiaga foou**

To haha i ai kia lautolu ni e tau levekiaga he kupega hila e tau mata fakatufono.

Kua fakatutala a mautolu ke lima e faahi ke lata mae tau mata fakatufono:

1. Tau fakailoaaga ne kua lata mae tau tohi ole ke moua e fakamooliaga mae levekiaga he kupega hila
2. Kua mahuiga lahi e tau magaaho ne fakamole ke lata mae Tohi Kupu ke he Faahi Gahua Fakaako Tama mo e Ikipule ke he Faahi Fakaako Tama ke fakakatoatoa e tau manatu mo e tau talahauaga
3. Ko e puhalo fefe ke uta aki e tau fakailoaaga ke iloa to fakamooli e levekiaga he kupega hila pihia mo e falu foki a talahauaga ne tohia ki loto
4. Mahino mitaki e tau puhalo uta gahua mae:
 - Ko e Tohi Kupu ne fakakatoatoa e kikiteaga ko e fahia po ke hako e tuaga mo e haohao mitaki nakai e tau tupe fakaaoga
 - Tohi ole ke fakahako e fakamooliaga mai he levekiaga he kupega hila ne kua amanaki tuai he mata fakatufono, tuga e aho ka pa ai po ke fai fakatokatokaaga ne kua mau ai.
5. Ne kua nakai fakakite he tau mata fakatufono nei e taha lesitala he tau fakamooliaga mo e tau utakeheaga he tau fakamooliaga mae levekiaga he kupega hila

Nakai kumi atu a mautolu ke moua mai haau a tau manatu ke tau fakataitai tupe totogi. Kua pihia ha kua fita a mautolu he fakatutala mo lautolu ha ko e tau fakataitai tupe ke totogi he 2021 mo e moua foki e o moiaga ke lata mo e tupe nei ke totogi. To fakatoka e mata fakatufono foou nei e tupe ke totogi ko e \$500 (lafi ki ai e tukuhau GST) ke lata mae iga he tau tohi ole.

Maeke fefe ia koe ke fai talahauaga

Ka manako ke moua e taha lagaki he fakatutalaaga katoatoa ke he puhala ke fakagahuahua e levekiaga he kupega hila foou ma lautolu e tau aoga fakamahani ne kua moua e tau laisini, finaatu ke he [Network Management for licensed early childhood services – Education in New Zealand](#). Ka manako a koe ke fai talahauaga hagao ke he tau fakataitaiaga na i luga, maeke foki ia koe ke fakapuke e tau huhu savea he <https://consultation.education.govt.nz/ece/network-management-priorities-for-national-and-reg>

Maeke foki ia koe ke fakafano e taha tohi ne fakamatafeiga e haau a tau manatu ke he Earlylearning.Regulatoryreview@education.govt.nz po ke fakahu ke he nofoaga e:

Early Learning Regulatory Review
Ministry of Education
PO Box 1666
Wellington 6140

Manako e Faahi Gahua Fakaako Tama ke moua e tau manatu fakakite to hoko **2 Iuni (June) 2022**.

Kaeke ke fai huhu a koe hagao ia ke he tau tohi fakakite manatu, po kua manako ke he falu foki a talahauaga, fakamolemole ti tohi fakaoga he kupega hila ke he

Earlylearning.Regulatoryreview@education.govt.nz